



Dato 18.02.2026

Inatsisartut Suleriaasiannit § 37, imm. Naapertorlugu apeqqutit tulluuttut Naalakkersuisunut saqqummiuppakka.

Naalakkersuisunut apeqqutit:

1. Kalaallit Nunatsinni illoqarfinni minnerusuni peqqissaaviit ualikkut nalunaaqutaq sisamat kingorna matuneqartarnerat illersorneqarsinnaava?
2. Illoqarfinni nakorsap ualikkut nalunaaqutaq sisamat kingorna pigaartuutinneqartannginnera illersorneqarsinnaava?
3. Peqqissaaviup ualikkut sisamap kingorna tassanngaannaq pisoqartillugu atorneqarsinnaannginnera illersorneqarsinnaava? Tassanngaannaq pisut tassaasinnaapput uummammik unittoorneq, iluaallerneq, annertunerusumik napineq, aanaarujussuarneq il.il. minutsit tamarmik pisariaqarneranni.
4. Tassanngaannaq pinartoqarnerani nakorsamik oqarasuaatikkut oqaloqatiginninnerup naatsorsuutigineqarnera illersorneqarsinnaava?
5. Peqqisaasut peqqissaanermiluunniit sulisut allat akuersissutiminnik annaasaqarsinnaanerminnut aarlerisariaqarpat, nakorsap suliaasaanik suliaqartariaqarsimassagunik, ilinniakkatigut piginnaasatik qaangerlugit.

(Inatsisartunut ilaasortaq Paarma Lund Kreutzmann, Inuit Ataqatigiit)

Tunngavilersuut:

Nunatsinni piffinni arlalinni, illoqarfinni 1600-t inorlugit innuttaqartuni nakorsat ualikkut nalunaaqutaq sisamat ullaakkullu arfineq pingasut akornanni pigaartoqartannginnissaa aalajangerneqarlunilu atulersinneqarpoq. Aamma illoqarfinni nakorsaqaqarluarpalluunniit.

Ulluni makkunani suliniutip tamatuma qanoq kinguneqarnera takuarput.

Tassanngaannaq pisoqarnerani peqqissaavik matoqqasoq.

Innuttaasut isumatsassimallutillu toqqissisimangitsut. Illumut tamanna nunatsinni innuttatsinnut atugassaritissavarput?

Illoqarfinnut taamatut atugassaqaartinneqartunut tamanut misiginneqataavunga. Qanoq toqqissisimannanngitsigisinnaanera minnerunngitsumillu inuiaqatigiinni pingaannginnerutinneqartutut misigineq takorloorluarsinnaavara.

Isumaga malillugu illoqarfinni arlalinni nakorsat pigaartuusarnerannik atorunnaarsitsineq nunatsinni innuttaasunut sullissinermik ajornerulersitsissaaq, nunallu immikkoortuini illoqarfiit pingaernerit avataanni nakorsanik atorfinitsitsiniarneq atorfeqaannartitsinerlu ajornakusoornerulersillugu.

Tamanna piffinni eqqorneqartuni, nakorsamik pissarsisinnajunnaartunut innuttaasunut toqqissisimanangilaq. Peqqinnissaqarfimmi sulisunut allanut ilungersortitsillunilu tatisisinaanera aarlerinaatip aapparaa, taakkulu sulil ulapinnerulernissaat ilimagineqartariaqarpoq. Piginnaasaqarfiillu taamaariarluni qaangerneqartarnissaat ilimanartorujussuuvoq.

Peqqinnissaqarfiup nunatsinni akisussaaffigineqarnissaa toqqarneqarmat, Kalaallit Nunaanni tamanut pitsaanerulersitsinissaa siunertaavoq. Nakorsat pigaartuusarunnaarnissaanik piffiillu ilaanni peqqissaavit matuneqartarnissaannik suliniuteqarneq, ajorluartumik Kalaallit Nunaanni kikkut tamarmik naligiimmik peqqissuunissaannik akerliusutut ajorluartumik isigaara.

Apeqqutima ullut suliffiusut qulit iluanni akineqarnissaat kissaatigaara.